

# NACRT SREDNJOROČNOG PLANA RADA MINISTARSTVA FINANSIJA I TREZORA

Ministarstvo finansija i trezora BiH  
01.01.2020 DO 31.12.2022

Verzija Verzija 1  
30.05.2019

## Sadržaj

<a href="#">Poglavlje 1: Strateški okvir .....</a>	<a href="#">2</a>
<a href="#">Poglavlje 2: Vizija i misija institucija.....</a>	<a href="#">3</a>
<a href="#">Poglavlje 3: Učesnici i partneri.....</a>	<a href="#">3</a>
<a href="#">Poglavlje 4: Osnovna programska opredjeljenja .....</a>	<a href="#">4</a>
<a href="#">Poglavlje 5: Resursi i kapaciteti potrebni za postizanje ciljeva .....</a>	<a href="#">7</a>
<a href="#">Poglavlje 6: Okvir za praćenje provođenja plana i evaluacija rezultata.....</a>	<a href="#">8</a>

PRILOG 1: Akcioni plan Srednjoročnog plana rada institucije

PRILOG 2: Pregled zakona, drugih propisa i razvojno-investicionih projekata/programa predviđenih Srednjoročnim planom rada institucije

## Poglavlje 1: Strateški okvir

U skladu sa Strateškim okvirom za Bosnu i Hercegovinu, u okviru opštih principa razvoja, mandat Ministarstva finansija i trezora BiH doprinosi integrisanom rastu koji je usmjeren na promicanje veza regionalne trgovine i saradnje, te nediskriminirajućih, transparentnih, predvidivih politika koje poboljšavaju ulaganja, protok roba, kapitala, usluga i ljudi u regiji. Samo razvoj jedinstvenog ekonomskog prostora u Bosni i Hercegovini privući će više stranih investicija i povećati konkurentnost bh. ekonomije u regionu, te ubrzati proces integracija u europsku i globalnu ekonomiju.

Strateški cilj Ministarstva finansija i trezora BiH, koji proizilazi iz integrisanog rasta je makroekonomska stabilnost. U Strateškom okviru za Bosnu i Hercegovinu istaknutno je da je makroekonomska stabilnost jedan od osnovnih preduvjeta održivog ekonomskog rasta, te povećanja zaposlenosti. Makroekonomska stabilnost ostvarit će se efikasnijim upravljanjem javnim finansijama kroz unaprjeđenje procesa upravljanja budžetom institucija BiH, fiskalnu konsolidaciju i efikasno upravljanje javnim dugom, jačanje sistema unutrašnjih finansijskih kontrola i interne revizije, te razvojem makroekonomske statistike. Makrostabilnost se održava jakom i adekvatnom internacionalizacijom ekonomije, njenom otvorenošću za ideje o tome šta svijetu treba da bi se uz pomoć savremene opreme i tehnologije utkalo u konkurentnost i izvoz bh. roba i usluga.

Srednjoročni plan rada Ministarstva predstavlja okvir rada unutar Ministarstva, odnosno definiše prioritete i srednjoročne ciljeve i potrebe, kao i viziju ključnih segmenata rada i djelovanja u narednom trogodišnjem periodu.

### 1.2. Mandat institucije

Ministarstvo finansija i trezora BiH u skladu sa Zakonom o ministarstvima i drugim organima uprave („Službeni glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13 i 19/16), prihvaćenih obaveza iz potpisanih međunarodnih sporazuma i ugovora u oblasti javnih finansija ima utvrđene ciljeve i mandat djelovanja.

Ministarstvo finansija i trezora BiH nadležno je za:

- principe poreske politike, taksi i propisa;
- odnose sa međunarodnim i domaćim finansijskim institucijama;
- pripremanje ugovora, sporazuma i drugih akata kojim Bosna i Hercegovina preuzima kreditne i druge finansijske obaveze sa drugim zemljama i međunarodnim organizacijama;
- planiranje i upravljanje dugom Bosne i Hercegovine, izvršavanje međunarodnih finansijskih obaveza;
- politiku novog zaduživanja u zemlji i inostranstvu;
- pripremu budžeta institucija Bosne i Hercegovine i završnog računa institucija Bosne i Hercegovine;
- koordiniranje aktivnosti za obezbjeđenje budžetskih sredstava Bosne i Hercegovine;
- izvršavanje budžeta institucija Bosne i Hercegovine i staranje o finansiranju institucija Bosne i

Hercegovine,

- upravljanje novčanim sredstvima i održavanje Jedinstvenog Računa Trezora;
- uspostavljanja računovodstvenih operacija institucija Bosne i Hercegovine;
- razvijanje i održavanje finansijskog informacionog sistema;
- propisivanje i provođenje internog nadzora budžetskih korisnika;
- vođenje aktivnosti o sukcesiji imovine bivše SFRJ;
- bankarske propise koji se odnose na funkcionisanje Centralne banke BiH;
- upravljanje imovinom u vlasništvu institucija Bosne i Hercegovine;
- kompiliranje, distribuiranje i objavljivanje konsolidovanih općih vladinih fiskalnih podataka;
- koordiniranje međunarodne ekonomske pomoći u Bosni i Hercegovini, izuzev dijela koji se odnosi na pomoć Evropske unije;
- finansijsko planiranje razvoja u institucijama Bosne i Hercegovine koje obuhvata upravljanje javnim investicijama i srednjoročno planiranje, praćenje i izvještavanje
- obavljanje poslova implementacije predpristupnih fondova EU, a u vezi sa finansiranjem, ugovaranjem, nabavkom, plaćanjem, nadzorom i kontrolom sprovođenja programa i projekata pomoći Evropske unije u BiH.

## **Poglavlje 2: Vizija i misija institucija**

### **2.1. Vizija**

Vizija Ministarstva finansija i trezora BiH je obezbjeđeno stabilno finansiranje institucija Bosne i Hercegovine i optimalna alokacija javnih sredstava.

### **2.2. Misija**

Ministarstvo finansija i trezora BiH kreira, implementira i objavljuje politike u oblasti javnih finansija, upravlja finansijskim sredstvima iz domaćih i stranih izvora finansiranja, te razvija i koordinira sistemom za upravljanje i kontrolu javnih finansija u institucijama Bosne i Hercegovine radi obezbjeđenja stabilnog finansiranja institucija Bosne i Hercegovine i optimalne alokacija javnih sredstava, i na taj način doprinosi makroekonomskoj stabilnosti zemlje.

## **Poglavlje 3: Učesnici i partneri**

Međusobni odnosi organa uprave zasnivaju se, između ostalog, na saradnji, informisanju i dogovaranju, te u skladu sa tim jedni drugima dostavljaju, razmjenjuju i dijele iskustva, podatke i informacije potrebne za obavljanje poslova, zajednički rade na osnivanju stručnih komisija, radnih tijela, kao i obavljaju sve druge oblike međusobne saradnje u skladu sa svojim nadležnostima.

Ministarstvo finansija i trezora BiH ostvaruje stalnu komunikaciju i saradnju u oblasti svog djelovanja sa institucijama Bosne i Hercegovine, entitetskim institucijama i institucijama Brčko Distrikta BiH, kao i sa donatorima, kreditorima, međunarodnim finansijskim institucijama i međunarodnim organizacijama.

## Poglavlje 4: Osnovna programska opredjeljenja

Srednjoročni cilj Ministarstva finansija i trezora BiH povezan je sa strateškim ciljevima utvrđenim Strateškim okvirom za Bosnu i Hercegovinu i izveden iz Srednjoročnog programa rada Vijeća ministara Bosne i Hercegovine. Ostvarivanje srednjoročnog cilja zasniva se na realizaciji specifičnih ciljeva, kao i provođenju programa i projekata u Ministarstvu.

Prilikom definiranja ciljeva na svim nivoima koristi se SMART metoda, odnosno, svi ciljevi su:

S – Specific (Specifičan)

M - Measurable (Mjerljiv)

A – Achievable (Ostvariv)

R – Realistic (Realan u odnosu na resurse)

T – Time bound (Vremenski ograničen)

Specifični ciljevi Ministarstva finansija i trezora BiH određeni su na osnovu mandata i misije Ministarstva, te su, u skladu sa nadležnostima, definirana četiri specifična cilja. Programi, koji su instrumenti za realizaciju ciljeva, sastoje se od projekata, odnosno, skupa kompatibilnih aktivnosti koje vode ka ostvarenju zajedničkog cilja. Detaljan pregled programa i projekata Ministarstva finansija i trezora BiH, kao i pokazatelja uspjeha i rezultata prikazan je u Prilogu 1 – Akcioni plan srednjoročnog plana rada Ministarstva finansija i trezora BiH.

### 4.1. Srednjoročni cilj

Srednjoročni cilj, čijoj realizaciji doprinosi Ministarstva finansija i trezora BiH, je definisan od strane Direkcije za ekonomsko planiranje i konsolidovan na nivou više institucija koje doprinose istom strateškom cilju.

Srednjoročni cilj: Stabilan i transparentan sistem finansiranja Bosne i Hercegovine, upravljanje i kontrola javnim finansijama i ispunjenje međunarodnih finansijskih obaveza.

### 4.2. Specifični ciljevi

Polazeći od srednjoročnog cilja, Ministarstvo finansija i trezora BiH je razvilo i usaglasilo četiri specifična cilja iz djelokruga svog rada.

Specifični cilj 1: Razvijanje efektivnih politika i sistema za upravljanje i kontrolu finansiranja institucija BiH,

Specifični cilj 2: Unapređenje sistema upravljanja javnim dugom i usklađenosti eksternog finansiranja sa potrebama BiH,

Specifični cilj 3: Unapređenje fiskalne politike i razvoj sistema za upravljanje imovinom BiH,

Specifični cilj 4: Razvijanje efektivnih politika i sistema za finansijsko planiranje razvoja i za upravljanje pred-pristupnom pomoći EU.

#### 4.3. Programi i projekti

U skladu sa prethodno definisanim srednjoročnim ciljem i specifičnim ciljevima, određeni su programi i projekti za njihovu realizaciju, što je ukratko prikazano u nastavku.

Program i projekti definisani za realizaciju Specifičnog cilja 1 su:

Program 1.1. Politike i sistemi za upravljanje i kontrolu finansiranja institucija BiH

Projekat 1.1.1. Priprema, analiza i kontrola izvršenja budžeta institucija BiH i izvještavanje

Projekat 1.1.2. Upravljanje trezorskim operacijama u institucijama BiH u skladu sa EU standardima

Projekat 1.1.3. Interna revizija

Projekat 1.1.4. Daljna podrška upravljanju javnim finansijama – IPA 2017

- Aktivnosti u okviru projekta 1.1.3. će se provoditi u institucijama BiH na temelju propisa koji reguliraju provođenje interne revizije. Centralna jedinica za internu reviziju u planiranom periodu u skladu sa Odlukom o kriterijima za uspostavljanje jedinica interne revizije u institucijama Bosne i Hercegovine („Službeni glasnik BiH“, br. 49/12 i 69/17) će obavljati funkciju interne revizije u navedenim institucijama.

- U okviru projekta "Daljnja podrška upravljanju javnim finansijama" koji se finansira iz IPA 2017 (početak implementacije se očekuje u julu 2019. godine i trajat će 30 mjeseci ), između ostalog, planirana je i aktivnost izmjene Zakona o finansiranju institucija BiH, te priprema podzakonskih akata u skladu sa ovim izmjenama. Rokovi za realizaciju ovih aktivnosti uvjetovani su donošenjem sveobuhvatne Strategije reforme upravljanja javnim finansijama za BiH.

- Za program 1.1. odgovorni su Sektor za budžet, Sektor za trezorsko poslovanje i Centralna jedinica za internu reviziju.

Program i projekti definisani za realizaciju Specifičnog cilja 2:

Program 2.1. Upravljanje javnim dugom i odnosi sa finansijskim institucijama

Projekat 2.1.1. Sistem upravljanja javnim dugom

Projekat 2.1.2. Odnosi sa finansijskim institucijama

- Naznačajnije aktivnosti u okviru projekta 2.1.1. su: redovno servisiranje vanjskog duga BiH, priprema, revidiranje i ažuriranje Srednjoročne strategije upravljanja dugom BiH, priprema i ažuriranje Analize održivosti duga BiH, redovno evidenitriranje i izvještavanje o javnom dugu BiH, odrediti opseg razmjene podataka između MFT i MF entiteta/BD u cilju prilagođavanja/ažuriranja ili instaliranja softvera za dug koji bi podržao razmjenu podataka sa entitetima i BD i obuka o mjeranju vladinog duga u skladu sa ESA 2010.

- Najznačajnije aktivnosti na projektu 2.1.2. biće usmjerene na: zaključivanje i izvršavanje međunarodnih finansijskih ugovora na osnovu odobrenih kreditnih i grant izvora od strane međunarodnih finansijskih institucija kao kreditora i davaoca grantova. Portofolio ugovora u postupku zaključivanja kreće se oko 85 -90 ugovora godišnje. U cilju razvoja procedura za eksterno zaduživanje planira se izrada podzakonskih akata u vezi sa izdavanjem suverenih garancija, a u skladu sa čl. 52, 53, 55, 62 i 65 "Zakona o zaduživanju, dugu i garancijama BiH". Također, je planirano poboljšanje mehanizma podrške za finansiranje iz međunarodnih i domaćih finansijskih izvora.

- Za program 2.1. odgovorni su Sektor za javni dug i Sektor za odnose sa finansijskim institucijama.

Program i projekti definisani za realizaciju Specifičnog cilja 3:

Program 3.1. Fiskalna politika i upravljanje imovinom

Projekat 3.1.1. Fiskalni propisi, politika oporezivanja po međunarodnim sporazumima i međunarodna saradnja u oblasti poreza

Projekat 3.1.2. Upravljanje imovinom BiH i koordinacija procesa sukcesije bivše SFRJ

- U okviru projekta 3.1.1. obavljaju se poslovi koji se odnose se na primjenu Zakona o carinskoj politici BiH („ Službeni glasnik BiH“, br. 57/04, 51/06, 93/08, 54/10, i 76/11) i Zakona o porezu na dodatnu vrijednost („ Službeni glasnik BiH“, br. 9/05, 35/05, 100/08 33/17). Na osnovu navedenih zakona i podzakonskih akata planira se: izdavanje potvrda i/ili ovjera obrazaca u postupku oslobađanja stranaka od plaćanja poreznih obveza u području neizravnih poreza, ovjera potvrda IPA MFT za oslobađanje od plaćanja neizravnih poreza, izdavanje potvrda DPSZ MFT za oslobađanje od plaćanja neizravnih poreza, izrada mjesečnih izvještaja o izdanim IPA MFT i DPSZ MFT potvrdama, priprema stručne podrške ministru financija i trezora BiH kao članu upravnih tijela iz područja politike neizravnih poreza, priprema mišljenja na upite o međunarodnim kreditnim ugovorima u dijelu koji se odnosi na oslobađanje od plaćanja uvoznih davanja ili povrat istih u skladu sa sadržajem međunarodnog ugovora i propisima koji reguliraju ovo područje, u suradnji sa Sektorom za odnose s finansijskim institucijama. Pored navedenog planiraju se aktivnosti u vezi zaključivanja i izvršavanja međunarodnih ugovora o izbjegavanju dvostrukog oporezivanja, kao i multilateralnih konvencija u oblasti poreza te tumačenja sporazuma, razmjena informacija u poreske svrhe, saradnja sa međunarodnim organizacijama OECD-a i entitetskim ministarstvima finansija i preuzimanje aktivnosti u cilju usklađivanja sa međunarodnim poreskim standardima.

- Najznačajnije aktivnosti u okviru projekta 3.1.2. su: provedba Aneksa A Sporazuma o pitanjima sukcesije, koji uključuje izradu pregovaračke osnove za raspodjelu pokretne vojne imovine, implementacija pregovaračkog procesa raspodjele diplomatsko-konzularne imovine, donošenje odluka u vezi prodaje i zamjene imovine, rješavanje pitanja „mješovitih banaka“, s posebnim osvrtom na one banke kod kojih je proces likvidacije pokrenut, ili se u sudskim postupcima traži povrat novčanih sredstava u tim bankama, rješavanje pitanja dugovanja iz klirinških aranžmana bivše SFRJ (dug prema Libiji, „češki dug“), aktivnosti u vezi provedbe Aneksa G Sporazuma, prijedlog platforme za razgovore sa državama sljednicama po pitanju imovinsko-pravnih poslova, pitanja iz oblasti državne imovine, prijedlog strategije upravljanja imovinom, institucionalno podnošenje zahtjeva za evidentiranje imovine, registra državne imovine i sl.

- Za program 3.1. odgovorni su Sektor za fiskalne poslove i Sektor za provedbu sukcesije bivše SFRJ i upravljanje imovinom BiH.

Program i projekti definisani za realizaciju Specifičnog cilja 4:

Program 4.1. Finansijsko planiranje razvoja, koordinacija međunarodne pomoći i upravljanje pred-pristupnom pomoći Evropske unije

Projekat 4.1.1. Upravljanje javnim investicijama, srednjoročno planiranje i koordinacija međunarodne pomoći

Projekat 4.1.2. Koordinacija i upravljanje pred-pristupnom pomoći EU

Projekat 4.1.3. Upravljanje javnim investicijama za rezultate: Sistem za planiranje i upravljanje javnim investicijama - PIPMS

Projekat 4.1.4. TA ugovor TA-HR-BA-ME 298 između Upravljačkog tijela CBC programa Hr-BIH-Crna Gora i Tijela za kontrolu BIH

- Najznačajnije aktivnosti u okviru projekta 4.1.1. su: harmoniziranje i koordinacija instrumenata i metodologija za upravljanje javnim/razvojnim investicijama, razvoj i priprema Programa javnih investicija/Razvojno-investicionog programa institucija BiH, praćenje i izvještavanje o realizaciji Programa javnih investicija/Razvojno-investicijskog programa institucija BiH, pružanja stručne potpore institucijama BiH za identificiranje, prijavu i praćenje projekata/programa, unaprijeđenje sistema srednjoročnog planiranja, pružanje stručne potpore institucijama BiH u pripremi i izradi njihovih srednjoročnih planova rada, kao i davanja mišljenja o njima, koordinacija međunarodne ekonomske pomoći sa i između multilateralnih i bilateralnih razvojnih partnera u BiH, kao i aktivnosti na daljem unapređenju razvojne saradnje i partnerstva sa učesnicima u ovom procesu, što obuhvata institucije svih nivoa vlasti u BiH, razvojnih partnera, civilnog društva i privatnog sektora u cilju što efikasnijeg korištenja razvojne pomoći.
- U okviru projekta 4.1.2. planirane su sljedeće aktivnosti: ažuriranje Strategije reforme upravljanja javnih finansija u institucijama BiH, redovni godišnji izvještaji o implementaciji Strategije, izrada cjelodržavne Strategije reforme upravljanja javnih finansija u BiH, izrada godišnjih konsolidovanih izvještaja o realizaciji cjelodržavne strategije, implementacija procedura za potpisivanje Okvirnog sporazuma IPA III, implementacija procedura za potpisivanje IPA II i III finansijskih sporazuma, izrada tenderske dokumentacije po IPA II projektima 2018. i 2020., programiranje IPA III (izrada projekata za 2021. i 2022. godinu), Izrada tenderske dokumentacije za projekat IPA III 2021., praćenje implementacije IPA projekata, kao i redovna godišnja izrada ERP-a – Dio 3- Fiskalni okvir. U Tijelu za kontrolu u periodu 2020.-2022. okončati će se aktivnosti kontrole i odobravanja troškova za korisnike iz pet programa EU teritorijalne i prekogranične suradnje iz IPA II (2014-20), bit će pripremljen pravni osnov i potrebni podzakonski akti za kontrolu i odobravanje troškova iz programa iz IPA III (2021-27), započeti će aktivnosti kontrole i odobravanja troškova za korisnike iz budućih programa EU teritorijalne i prekogranične suradnje iz IPA III.
- Projekat 4.1.3. se zasniva na projektu "Razvoj kapaciteta u Ministarstvu finansija i trezora na nivou institucija BiH i entitetskom nivou za efikasno upravljanje javnim investicijama - PIP-DIP", i predstavlja nastavak aktivnosti na daljem jačanju planiranja i upravljanju javnim investicijama, što uključuje dodatnu izgradnju kapaciteta na svim nivoima vlasti u BiH. Primarni fokus projekta je razvoj sistema planiranja i upravljanja javnim investicijama koji bi omogućio upravljanje rezultatima troškova javnih investicija zasnovanih na strateškim planovima / programima i propisanim budžetskim planovima.
- Projekat 4.1.4. predstavlja tehničku pomoć u radu i podršku u provedbi nadležnosti Tijela za kontrolu BiH u prekograničnom programu Hrvatska-BiH- C.Gora
- Za program 4.1. odgovorni su Sektor za finansijsko planiranje razvoja i koordinaciju međunarodne ekonomske pomoći i Sektor za finansiranje programa i projekata pomoći EU.

## **Poglavlje 5: Resursi i kapaciteti potrebni za postizanje ciljeva**

### **5.1. Predviđeni izvori finansiranja**

Troškovi koji nastaju u toku realizacije srednjoročnog plana rada Ministarstva spadaju u sljedeće osnovne kategorije: bruto plate i naknade, naknade troškova uposlenih, izdaci za materijal i usluge, tekući grantovi (transferi) i kapitalna ulaganja.

Za realizaciju programa i pripadajućih projekata, a u cilju realizacije postavljenog srednjoročnog cilja i specifičnih ciljeva definisanih Srednjoročnim planom rada Ministarstva finansija i trezora BiH za period 2020.-2022. godine, planirano je ukupno 27.021.749 KM, od čega se 22.707.000 iz budžeta institucija Bosne i Hercegovine i 4.314.749 KM iz donacija. U ovom trogodišnjem periodu, nema planiranih projekata i programa koji se finansiraju iz kreditnih i drugih izvora finansiranja.

## 5.2. Organizacioni kapaciteti

Ministarstvo finansija i trezora BiH trenutno upošljava 166 zaposlena, što čini oko 70% od planiranog broja 238 zaposlenih prema Pravilniku o unutrašnjoj organizaciji Ministarstva finansija i trezora BiH iz 2018. godine i Pravilnika o dopunama Pravilnika o unutrašnjoj organizaciji Ministarstva finansija i trezora BiH iz 2018. godine.

U projektiranom periodu 2020. - 2022. Ministarstvo će kontinuirano raditi na jačanju i razvoju kadrovskih kapaciteta kroz redovne obuke, u organizaciji Agencije za državnu službu, i/ili specijalizovane obuke.

## Poglavlje 6: Okvir za praćenje provođenja plana i evaluacija rezultata

U cilju praćenja aktivnosti na implementaciji srednjoročnog cilja i evaluacije rezultata u navedenom periodu, utvrđeni su i definirani ključni pokazatelji uspjeha i rezultata. Detaljan pregled navedenih pokazatelja i njihovih vrijednosti po godinama prikazan je u Prilogu 1 – Akcioni plan srednjoročnog plana rada Ministarstva finansija i trezora BiH.

### 6.1. Definisanje ključnih pokazatelja

Srednjoročni cilj: Stabilan i transparentan sistem finansiranja BiH, upravljanje i kontrola javnim finansijama i ispunjenje međunarodnih finansijskih obaveza

Pokazatelji uspjeha srednjoročnog cilja su:

- Pokrivenost rashoda izvorima finansiranja:

Početna vrijednost (2019.) - 100%	Očekivana vrijednost (2022.) – 100%
-----------------------------------	-------------------------------------

- Stabilnost upravljanja vanjskim izvorima finansiranja (Odnos vanjskog duga i BDP):

Početna vrijednost (2019.) - 36%	Očekivana vrijednost (2022.)- 38%
----------------------------------	-----------------------------------

- Stabilnost upravljanja vanjskim izvorima finansiranja (Odnos javnog duga i BDP).

Početna vrijednost (2019.) - 47%	Očekivana vrijednost (2021)- 49%
----------------------------------	----------------------------------

Pokazatelji uspjeha specifičnih ciljeva su:

Specifični cilj 1: Razvijanje efektivnih politika i sistema za upravljanje i kontrolu finansiranja institucija BiH

Pokazatelji uspjeha:



- Odnos realizovanih i planiranih aktivnosti Mjera 1, 2 i 4 iz Stuba III i Mjere 1 iz Stuba IV Strategije reforme upravljanja javnim finansijama u institucijama BiH:

Početna vrijednost (2019.) - 10/10 Očekivana vrijednost (2022.) – 0

- Odnos realizovanih i planiranih aktivnosti Mjera 2 i 3 iz Stuba IV Strategije reforme upravljanja javnim finansijama u institucijama BiH:

Početna vrijednost (2019.) - 6/6 Očekivana vrijednost (2022.) – 0

- Procenat realiziranih preporuka (broj realiziranih / broj datih preporuka):

Početna vrijednost (2019.) - 50 Očekivana vrijednost (2022.) – 50

Specifični cilj 2: Unapređenje sistema upravljanja javnim dugom i usklađenosti eksternog finansiranja sa potrebama BiH

Pokazatelji uspjeha:

- Odnos realizovanih i planiranih aktivnosti Mjere 4 iz Stuba IV iz Strategije reforme upravljanja javnim finansijama u institucijama BiH:

Početna vrijednost (2019.) - 1/1 Očekivana vrijednost (2022.) – 0

- Stepen usklađenosti finansiranja sa projektnim potrebama u BiH:

Početna vrijednost (2019.) - Izloženost finansijskih institucija u skladu sa projektnim potrebama  
Očekivana vrijednost (2022.) - Izloženost finansijskih institucija u skladu sa projektnim potrebama

Specifični cilj 3: Unapređenje fiskalne politike i razvoj sistema za upravljanje imovinom BiH

Pokazatelji uspjeha:

- Stepen usklađenosti postupanja sa međunarodnim standardima iz oblasti poreza:

Početna vrijednost (2019.) – Djelomično usklađen Očekivana vrijednost (2022.) - Zadovoljavajući

- Stepen razvijenosti sistema za upravljanje imovinom u BiH:

Početna vrijednost (2019.) – 50 Očekivana vrijednost (2022.)-70

Specifični cilj 4: Razvijanje efektivnih politika i sistema za finansijsko planiranje razvoja i za upravljanje pred-pristupnom pomoći EU

Pokazatelji uspjeha:

- Odnos realizovanih i planiranih aktivnosti Mjera 3 i 4 iz stuba III iz Strategije reforme upravljanja javnim finansijama u institucijama BiH:

Početna vrijednost (2019.) – 0 Očekivana vrijednost (2022.)-0

- Odnos realizovanih i planiranih aktivnosti Mjere 2 iz stuba I iz Strategije reforme upravljanja javnim finansijama u institucijama BiH.

Početna vrijednost (2019.) – 2/2 Očekivana vrijednost (2021)-0

Pokazatelji rezultata za programe:

Program 1.1. Politike i sistemi za upravljanje i kontrolu finansiranja institucija BiH

Pokazatelji rezultata:

- Procenat unaprijeđenja programske strukture u DOB-u za period 2018.-2020.:

Početna vrijednost (2019.) – 55 Očekivana vrijednost (2022.)- 85

- Stepen obavljanja trezorskih operacija u skladu sa međunarodnim standardima:

Početna vrijednost (2019.) – 90 Očekivana vrijednost (2022.)- 100

- Procenat provedenih mandatnih i horizontalnih revizija (broj provedenih mandatnih i horizontalnih

revizija u odnosu na broj obavljenih internih revizija):

Početna vrijednost (2019.) – 30

Očekivana vrijednost (2022.)- 30

Program 2.1. Upravljanje javnim dugom i odnosi sa finansijskim institucijama

Pokazatelji rezultata:

- Stepen unapređenja sistema upravljanja javnim dugom:

Početna vrijednost (2019.) – 70

Očekivana vrijednost (2022.)- 85

- Stepen razvijenosti odnosa sa finansijskim institucijama:

Početna vrijednost (2019.) – Nedovoljno razvijen

Očekivana vrijednost (2022.)- Razvijen

Program 3.1. Fiskalna politika i upravljanje imovinom

Pokazatelji rezultata:

- Stepen unaprijeđenja postupaka i procedura po sporazumima iz oblasti poreza u odnosu na 2016.godinu:

Početna vrijednost (2019.) – 60

Očekivana vrijednost (2022.)- 80

- Stepen provođenja propisa iz oblasti indirektnog oporezivanja:

Početna vrijednost (2019.) – 100

Očekivana vrijednost (2022.)- 100

- Stepen implementacije Sporazuma o sukcesiji bivše SFRJ:

Početna vrijednost (2019.) – 56

Očekivana vrijednost (2022.)- 78

- Stepen uspostavljenosti registra nepokretne imovine BiH:

Početna vrijednost (2019.) – 40

Očekivana vrijednost (2022.)- 72

Program 4.1. Finansijsko planiranje razvoja, koordinacija međunarodne pomoći i upravljanje pred-pristupnom pomoći Evropske unije

Pokazatelji rezultata:

- Stepen razvijenosti politika i instrumenata za finansijsko planiranje razvoja:

Početna vrijednost (2019.) – 80

Očekivana vrijednost (2022.)- 87

- Procenat povučenih sredstava u programima teritorijalne saradnje:

Početna vrijednost (2019.) – 95

Očekivana vrijednost (2022.)- 95

- Stepen finansiranja IPA sredstvima prioriteta iz Strategije reforme upravljanja javnim finansijama u institucijama BiH:

Početna vrijednost (2019.) – 24

Očekivana vrijednost (2022.)- 40

## 6.2. Metode za prikupljanje informacija o pokazateljima

Ministarstvo finansija i trezora BiH informacije o pokazateljima rezultata i pokazateljima uspjeha prikuplja iz svih dostupnih izvora koji su na raspolaganju.

Obaveza izrade srednjoročnog plana rada institucija BiH uvedena je Odlukom o postupku srednjoročnog planiranja, praćenja i izvještavanja u institucijama BiH ("Službeni glasnik BiH", broj 62/14), sa početkom primjene od 1.1.2015. godine i Zakonom o izmjeni i dopuni zakona o ministarstvima i drugim tijelima uprave Bosne i Hercegovine ("Službeni glasnik BiH", broj 19/16).

Uputstvom o metodologiji u postupku srednjoročnog planiranja, praćenja i izvještavanja u

institucijama Bosne i Hercegovine propisano je da je institucija BiH dužna pripremiti Izvještaj o provođenju Srednjoročnog plana rada institucije BiH svake tri godine, tj. po završetku jednog srednjoročnog perioda, a u prvom trogodišnjem periodu probno se izvještava svake godine.

Slijedom navedenog Ministarstvo je pripremio Izvještaja o provođenju srednjoročnog plana rada 2016.-2018. god. za 2018. godinu i dostavilo Direkciji za ekonomsko planiranje.

### 6.3. Osnovni zaključci prethodnog Izvještaja o provođenju plana rada

U skladu sa Odlukom o postupku srednjoročnog planiranja, praćenja i izvještavanja u institucijama Bosne i Hercegovine („Službeni glasnik BiH“, broj 62/14) i Uputstvom o metodologiji u postupku srednjoročnog planiranja, praćenja i izvještavanja u institucijama Bosne i Hercegovine („Službeni glasnik BiH“, broj 44/15) Ministarstvo finansija i trezora je provelo prvu evaluaciju Srednjoročnog plana rada Ministarstva za period 2016.-2018. godine.

Zaključci i preporuke navedeni u Izvještaju o evaluaciji provedbe Srednjoročnog plana rada Ministarstva finansija i trezora BiH 2016.-2018. su sljedeći:

- Srednjoročni plan formalno je usuglašen sa propisanom metodologijom i drugim relevantnim dokumentima za njegovu izradu. Suštinski i sadržajno, plan je usklađen sa Srednjoročnim programom rada Vijeća ministara BiH za dati period.
- Plan je imao pozitivne efekte, kako na širu zajednicu u smislu njegovih rezultata, tako i unutar institucije na način da se formalizuje proces srednjoročnog planiranja, obzirom da se radi o složenom, zahtjevnom i kontinuiranom procesu koji podrazumjeva odgovarajuće ljudske i materijalne resurse, potrebna znanja i vještine, te postojanje strategija na nivou BiH.
- Kroz proces praćenja i izvještavanja o SPR MFT 2016-2018 uočeni su nedostaci, slijedom čega je SPR MFT je u narednom periodu pretrpio značajnije izmjene u definisanju specifičnih ciljeva, programa i projekata, te njihovih pokazatelja.
- Na inicijativu Ministarstva finansija i trezora BiH u suradnji sa Direkcijom za ekonomsko planiranje, a uz ekspertnu i tehničku pomoć GIZ-a, održana je i dvodnevna radionica na temu izmjena i dopuna Odluke i postupku srednjoročnog planiranja, praćenja i izvještavanja u institucijama BiH. Slijedom navedenog, u narednom periodu će se raditi na poboljšanju kvalitete srednjoročnih planova, a posebno njihovog praćenja i izvještavanja.

**Potpis**

---

**M.P**